

wa das geschicht, So wellen Vnd sullen wir, mit allem Vnserm vermügend, als vor begriffen ist, Jnen zu dienst zû ziehen Vnd helffen, in den kraissen, / als verr vnser Bystum raichet vnd begriffen hat, Vnd hie disent den gebirgen¹⁰, Vncz an den Walensee¹¹ Vnd den Bodensee¹¹. Vnd sullen des tûn, in Vnserelbs kôsten Vnuerczogentlich, an alle waigrung vnd geuër, mit / gutem trúwen, wa, wenn, wie dik, oder gen wem Si des yemer bedurffend werden, Vnd das von Jnen selber, oder ir dhainem, oder irem hauptmann⁹ bi der Etsch, oder irem LantVogt ze Swaben, oder irem Vogt / ze Veltkilch, mit briefen oder boten an vns geordert wird. Geschêch ouch, daz dieselb vnser herschafft von Osterreich vnd von Tyrol, vnserer hilff in dheinen kunftigen ziten bedurffend wurde, vzzet vnser / Bystums Vnd den obgenanten kreissen, Dahin wellen Vnd sullen wir Bischof Hartman¹, Vnd alle vnser Nachkômen ouch phlichtig sin, derselben vnserer herschafft, wenn wir darumb angeruffet werden als oben beschri- / -ben ist, ze dienen vnd helffen, nach ganzem Vnserm vermügend getrûwlich, Also doch, daz dieselb vnser herschafft, Vns denn darumb tû vnd geb, als andern iren frûnden herren Rittern Vnd knechten, Was billich / Vnd bescheidenlich sy angeuër. Ouch ist vorbehalten vnd vzgezogen, Ob vnser egenant herschafft von Osterreich sôlicher vnserer goczhuss dienste bedurffen, Vnd vns darumb vordern wurd, Daz denne wir . . der Tûm- / -brobst . . der Tegan, Vnd das Capitel gemeinlich oben benant, nicht phlichtig sin, mit vnsern liben ze raisen, oder sunder Volk zu schiken, oder ander sôlich weltlich Sachen zu handeln, die phaffen nicht / angehören, Sunder, wir wellen vnd sullen, derselben vnserer herschafft, mit vnsern getrûwen Rêten Vnd in ander weg, die phaffen zimlich sin, dienen Vnd geholffen sin, mit ganzem trúwen an geuërde. / Darnach verpinden vns, wir . . der Tûmbrobst, Tegan, Capitel, Stat, Dienstman, edellût, Vnd ander vndersezzten gemeinlich des Bystums ze Chur, Vnd geloben by dem Ayde, so wir gesworen haben als oben begriffen ist, Als oft nv hinnenthin, in kunftigen ziten, vnser Bystum geschicht ledig werden, es sy mit tod, oder anderter furdrung / Vnd beratnûzz, des erwidigen Vnsers herren, hern Hartman^s vnserer gegenwertigen Bisschofs, dem got sins lebens lang gÿnnen gerûche, Vnd anderen siner nachkômen, Wenn, Vnd wie dik, das ze schulden / kûmet, Daz denn wir alle obgenanten, vnd vnser yeklicher, Vnd alle Houptlûte, Phleger, Burggrauen Vnd Amptlûte, dheinen andern kunftigen, zu Bisschofen Vnd herren nicht vfnemen,